



Dīina yaa maan pu-peelem

Yii a Abu Ruḳayya Tamiim [bn Aws Ad-daariy nengē (Wēnd yard be a yīnga) ti Nabiyaamā (Wēnd puusg la A tulgr be a yīnga) yeelame: «Dīina yaa maan pu-peelem» ti tōnd yeele: ne ānda? T'a yeele: «ne Wēnd la A Gafā la A Tēn-tuumā la lslaambā taor rāmba la b zāngā».

[Naṣuṇ Ṣahuḥuṇ (Gom-sikdem sēn manege)] [A Muslim n togs-a]

Nabiyaama kōo kibare ti dīinā yāsa pu-peelem zugu la sīda, sēn na yil ti b maan-a wala Wēnd sēn saglā, t'a yaa sēn pidi n ka booge ti zāmb ka be a pugē. Ti b yeel Nabiyaamā (Wēnd puusg la A tulgr be a yīnga): yaa ānd la pu-peelemā maan ne? T'a yeele: Rēenem: yaa maan pu-peelem ne Wēnde A naam yi wagelle n zēke: ne tuuma yilgre Wēnd A yembr yīnga, la a ra maan lagm-n-taar ne-A ye, la d kō sīd ne A Wēndlmā la A Sobendā, la A Yuyā, la A Sīf-rāmbā, la A yellā zisgre, la bool n tug kō-sīd ne-A. Yiibu: yaa maan pu-peelem ne A Gafā yē me la Alḳurāan wagellā: ne d sēn loe n wāag t'a yaa A goama, la A gaf-rāmba baasdga, la a yēesa sāri-rāmbā sēn deng-a taorā, la d zisg-a la d karem-a kareng sīd-sīda, la d tum ne a buudā, la d sak n pug a maana-gēdmā, la d zab ne kedgdbā wels yoodā a pugē wā, la d paam yam ne saglsā, la a bāngrā sēegre, la bool n tug-a. Tāabo: yaa pu-peelem maanego ne A Tēn-tuumā a Muhammad -Wēnd puusg la A tulgr be yīnga-: ne d sēn na n loe n wāag t'a yaa tēn-tuumā baasdga, la d sīdg-a a sēn wa ne būmb ningā, la d sak a sagellā, la d zāag a sēn gidgā, la d ra tū Wēnde rēnda ne būmb ning a sēn wa ne wā, la d zisg a hake wā, la d waoog-a, la d sēeg a Boollā la a sāri wā, la d tus rōdbā n yi-a. Naase: yaa pu-peelem maanego ne lslaambā zut rāmba: ne b sēn na n sōng-ba, la b ra maan-b tak-n-taar yellā pug ye, la d wum la d tū ti sā n yaa yell sēn yard Wēnde. Nu: yaa lslaambā maan pu-peelem: ne maan neer n tug-ba la bool-ba n tug dīinā, la yōk nang n bas-ba, la sōma nonglem ne-ba, la tum ne-ba manegr pugē la Wēnd zoere.

<https://www.sunnah.global/hadeeth/mos/show/66516>

